

50



DISPUT

ENTRE

E U R C ' H E R E

HAC

EUR BOTOER COAT

Var eun tón neve.

Mar gallan gout ar feçon, e teuin da rima,
Eun disput a neve flam, d'en em divertissa,
Savet entre ar C'here hac ar Botoër coat :
Pa vent crog en eur boutail int daou pot dilicat,

O daou o deus prometet e mije digante,
Goude formi eun disput excellant entrese :
Eun douceñ vio fritet hac eun tam bara guen,
Hac eur hane da eva er fin ar ganaouen.

zt

2 — —

Mar be glebiet an anchen ar bombard a zonô,
A silaou gant parfete eun darn a resono,
Vit ho lacât da zisput an eïl oc'h e guïle
Ha non pas rima netra nemet ar virione.

Er goan ec'h intentan, eme ar Botoër coat,
E me a zeu da viskan treïd an dud dilicat,
Ha te Kereer infam gant da vouteïer ler,
A zigaç ar c'hlenvejo hac eun nombr a vizer.

Eun tam eo istimet huelloc'h ma etat
Evit n'en deo da hini, pot ar bouteïer coat :
Ma rankje beajerien bale gant sorguello
E vent eun anter hirroc'h oc'h ober campagno.

Evit prepari 'n douar da lacat an trevat
Eo eun dra necesser cavet eur boto coat ;
Ne veler dên o palat er park gant ho boto ler
Ha c'hoas e fell dit laret ne n'on ket necesser.

Goud a ran eo ar boto coat a gonserv ar yec'het
Hac a brepar an douar evit lacad an eç,
Evel ma c'her da redeç er par gant-o 'veicho
E scanvoc'h eur boto ler evit eur sorguello.

Pa deui an erc'h, ar scorn, hac ar goan kalet,
E ranko ar C'hereour paca e vinaouet,
Ha me doucho an arc'hant partout er marc'hajo
Ha te zello ouzin, ha digor da c'heno.

— 3 —

Pa erruo mis meurs, hac an neve amzer,
Da viska 'n habijo brao hac ar botoeier ler.
Neuze na vo estimet netra eur boto coat,
Eur boto ler da vale a zo trao dilicat.

Alies e rankes mont da dy ar c'hivijer,
C'hoas ma ne pe nemet tri skoët pe eun tri skoët anter,
Ha me laca assambles betec c'huec'h ugent skoët
Da brena ar c'hoat boto evit ar laysantet.

Goël a ze dit , ma mignon, pa deus eur bern arc'hant
An neb o deus neubetoc'h a vev honestamant.
Me a deb kig ha souben ha ma yod da greiz-de :
Ordinal ec'h intentan on bevet kouls a te.

Poent eo din finissa rag an nos a dosta,
Hac an hostis a jeno pa na evomp netra,
Haca roïn din hon c'honje, Coader ha Kerer
Da bartial eus he dy ha mon da gaet ar guer.

Ebars en hostaleri 've aliez rezonio,
Disput entre 'r vignonet ha chass-bleo avechou ;
Ar c'hoste cre a c'hone ebars en peb affer,
Mar keres ni a velo, eme ar C'hereer.

Goude leïs cov e cargjont 'vel daou ghy animet
Ha stagan d'en em gannan evel tud malisset,
Ken ma rankas an hostis kemer e vas ribot,
Ha skeï var zin diskregui en feçon ma oant krog.

— 4 —

Goulennaomp eur chopinat d'en em dispartia :
An hostis hon servicho mar deuomp d'e bea,
Hac evomp peb a vanac'h er fia ar ganaouen ;
An oll a rank caout boto pe vale diarc'hen.

An hini en eus rimet en disput dilicat
Savet etre eur C'here hac eur Botoër coat,
En euz gret meur a hini, e hano Yan ar GUEN,
Hac a veler ordinal en fia ar ganaouen.

